

Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Prixin

Lohner, Tobias

Dilingæ, 1676

§. 1. De initio Primæ.

[urn:nbn:de:hbz:466:1-48333](#)

nus sit) *Domine exaudi*; tum subjungitur *Benedicamus Domino*, & *Fidelium animæ*, nisi aliud Officium v. g. de B. Virgine, aut Defunctis, aut Litaniæ in festo S. Marci, & Ferijs Rogationum sequantur; tunc enim Versus *Fidelium* omittitur, juxta Gavant. *sect. 5.c.22.n.4.* quod etiam aliàs fit, si post quamcunque horam aliud quid, v. g. Missa vel Officium sequatur. Rationem addere videtur Gavantus l. c. dum sic ait: *Neque dicitur (Versus Fidelium) si aliud sequatur, ut Missa , vel Officium parvum B. MARIAE , septem Psalmi, Litania , in quorum fine dicitur Fidelium : vel Officium Defunctorum , in quo abundantius pro iisdem oratur .* Sed hæc ratio locum non habere videtur in Litanij B. Virginis interdum post Vesperas cantari solitis, utpote quæ ex communi praxi solâ oratione, & benedictione cum Venerabili clauduntur; quod idem etiam in Matutino Nativitatis Christi fit, quod juxta Gavantum per *Benedicamus* claudi debet, & tamen non dicitur *Fidelium* in fine solemnis Missæ.

II. Post Versum *Fidelium*, si terminandum sit Officium dicitur *Pater noster*, *Dominus det nobis suam pacem*, & Antiphona *Salve Regina*, vel alia pro ratione temporis, & in fine additur *Divinum auxilium*. Si autem non terminandum sit, tum post Versum *Fidelium* dicitur *Pater & Ave & Credo* pro Prima, & post ultimam horam, post quam terminatur Officium, dicitur *Pater noster*. *Dominus det nobis*: Antiphona *Salve Regina*, aut alia similis. *Divinum auxilium*. &c.

III. Qui recitat pridie Vesperi Matutinum cum Laudibus, potest etiam statim recitare Litanias, si dicendæ sunt: quia accessorium sequitur naturam sui principalis. Gavant. *sect. 6.c.16.n.6.*

TITULUS III.

DE PRIMA.

§. I.

De initio Primæ.

AD initium Primæ semper dicitur *Pater*, *Ave*, *Credo*. Versiculi quoque *DEVS in adiutorium* semper subjunguntur, excepto ultimo triduc *Sacrae Hebdomadæ*.

§. II. *De*

§. II.

De Hymno.

I. **H**ymnus *Iam lucis* semper dicitur, excepto triduo ultimo Sacræ Hebdomadæ, & Octava Paschæ usque ad Dominicam in Albis exclusivè.

II. Stropha ultima variatur pro temporis varietate, uti in §. 20. Rubricarum dicitur.

§. III.

De Antiphona.

I. **I**n Dominicis, Ferijs, & Simplicibus Vigilijs sumitur ex Psalterio; in Festis verò prima ex Laudibus de communione Sanctorum, nisi propria in Officio de Tempore, aut Proprio Sanctorum assignetur. Per Octavam Paschæ Antiphona *Hac dies*, sicut in alijs horis, loco consuetæ Antiphonæ recitatur, non tamen inchoatur ante Psalmos.

II. Nunquam omittitur, nisi in Triduo ultimo Sacræ Hebdomadæ.

III. Ab initio nunquam dicitur *integra*, sed tantum in fine ultimi Psalmi; & tunc tempore Paschali *Alleluja* additur.

§. IV.

De Psalmis.

In Dominicis, Ferijs, & Simplicibus Vigilijs semper dicuntur quatuor Psalmi, & secundo loco inseritur Psalmus, qui in Psalterio ponitur, excepto tempore Paschali, ubi tres tantum Psalmi *DEVS in nomine, Beati, Retribue* dicuntur.

II. In Festis Duplicibus, Semiduplicibus, Simplicibus, & B. M A R I A E in Sabbato, etiam tantum ijdem tres Psalmi recitantur, qui semper clauduntur per *Gloria Patri*, excepto Triduo ultimo Sacræ Hebdomadæ.

§. V.

De Symbolo S. Athanasij.

I. **D**icitur tantum in Dominica Trinitatis, & quoties de Dominica dicitur Officium ut in Psalterio. Hinc neque in Dominicis infra Octavam Nativitatis Christi, Epiphaniæ, Corporis Christi, Ascensionis, nec in Dominicis Pascha-